

§. III. Veram Zwinglii obligationem, ad evitandam cum Lutherio in opere Reformationis dissensionem, quae si ex I. Cor. III, c. 3. certo ponitur, sponte consequitur, ipsum Zwinglium fuisse impediti Lutheri Reformationis progressus causam & autorem. Lutherus initio statim serio optaverat, ut Zwinglius conjunctis viribus secum adversus Papatum ageret, &, ne aliquid damni Evangelio afferre videretur, quasdam ceremonias prudenter retineret, ordinem autem in Ecclesia tanquam necessarium tueretur ac servaret, quod consilium saluberrimum, cum Zwinglio minime arrideret, aemulatione ac invidia in Lutherum percitus, aliam plane sacra emendandi & restituendi viam selegit, imo in ipsis fideli capitibus, imprimis *S. Coena* non parum ab eo dissentire coepit, quibus omnibus temerarie factis, num Lutheri reformationi nocuerit, lectoris, ab omni partium studio remoti, judicio relinquimus. Conferatur *Summe Reverendi Loeischeri Historie der ersten Religions-Motuum zwischen den Evangelisch-Lutherischen und Reformirten. P. I. C. II. p. 106. sq.*

## PRAEIVDICIVM XVI.

*Lutheri Reformationem multa pontificio fermento infecta, quoad doctrinam retinuisse.*

§. I. Inter alias bono viro & christiano homine indignas disceptandi artes, quibus Novatores, & omnes tantum non Indifferentiae ac Fanatici, sibi aliquid invenisse in sinu gloriantur, istud quidem primo loco ponendum esse existimo, ut, quicquid eorum palatui, judicio aut pravis affectibus non est accommodatum, ipsisque in aliter sentientibus non approbatum, velut *Papatus reliquias ac fermenta* sine ullo praevio sententiae examine exagitent, respuant ac plane condemnent. Non attingo ea, quae, universam hactenus *exultant et traditam Jurisprudentiam papizare*, credentes, ipsis nostris